



Број: 01/3-50-1-3-41/10

Sarajevo, 26. januara 2010. godine

## Z A P I S N I K

### 41. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 26. januara 2010. godine

Sjednica je počela u 12 sati.

Sjednicom je predsjedavao predsjedavajući Komisije Slavko Jovičić.

Sjednici su prisustvovali članovi Komisije: Mehmed Suljkanović, Salko Sokolović, Šemsudin Mehmedović i Ljiljana Milašin.

Opravdano su odsustvovali: Jerko Ivanković Lijanović, Željko Kuzmanović i Ekrem Ajanović.

Sjednici su prisustvovali: Momčilo Novaković, poslanik u Predstavničkom domu PSBiH, Dragiša Mekić i Hajrudin Podbičanin, pomoćnici ministra u MVTEOBiH, Savo Marjanac, direktor sektora privrede u Vanjskotrgovinskoj komori BiH, Zdravko Marinković, zamjenik generalnog sekretara Vanjskotrgovinske komore BiH, Seid Uzunović i Šefika Tutundžić, šefovi odsijeka u MVTEOBiH, Željka Kovač, stručni savjetnik u MVTEOBiH, Igor Gavran, projekt menadžer u Sektoru za makroekonomski sistem Vanjskotrgovinske komore BiH, Snježana Akulović, savjetnik direktora Uprave BiH za zaštitu zdravlja bilja, poslanik u Predstavničkom domu, Zoran Brkić, viši stručni saradnik u Sektoru za odnose s javnošću PSBiH, Dobrinka Savić, stručni saradnik u Komisiji za vanjsku i trgovinsku politiku, carine, saobraćaj i komunikacije Doma naroda PSBiH, Emira Češljarić, sekretar Komisije za vanjsku trgovinu i carine, i Radomir Marjanović, stručni savjetnik u Komisiji za vanjsku trgovinu i carine.

Za sjednicu Komisije predložen je i uz dopunu tačke 8. jednoglasno usvojen sljedeći

## D N E V N I R E D

1. Usvajanje Zapisnika 40. sjednice Komisije,
2. Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu,
3. Razmatranje Predloga zakona o zaštiti novih sorti bilja u Bosni i Hercegovini, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu,
4. Razmatranje Prijedloga zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu,

5. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, na osnovu člana 104. Poslovnika Predstavničkog doma, radi dostavljanja Mišljenja predsjedavajućem Predstavničkom domu.

6. Izvještaj o radu Komisije za 2009. godinu,

7. Upoznavanje s Prijedlogom mjera za poboljšanje uslova poslovanja u poljoprivrednoj proizvodnji i prehrambenoj industriji, predlagač: Vijeće ministara BiH – realizacija zaključka 61. sjednice Predstavničkog doma i 37. sjednice Doma naroda, radi dostavljanja Mišljenja Predstavničkom domu.

8. Upoznavanje s dopisom Proširenog kolegija Predstavničkog doma, od 20.1.2010., radi davanja prijedloga i mišljenja Komisije, za izradu Orijentacionog radnog plana Predstavničkog doma za 2010. godinu.

#### **Ad. 1. Usvajanje Zapisnika 40. sjednice Komisije**

Zapisnik 40. sjednice Komisije usvojen je jednoglasno, bez primjedbi.

#### **Ad. 2. Razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu**

Predsjedavajući Slavko Jovičić je u uvodnim napomenama istakao da je Vijeće ministara BiH, 16. 11. 2009., uputilo Parlamentarnoj skupštini BiH Prijedlog zakona o izmjenama i dopunama Zakona o carinskoj tarifi Bosne i Hercegovine za razmatranje po osnovnom zakonodavnom postupku.

Predstavnički dom je u drugom krugu glasanja na nastavku 69. sjednice, održanom 12.1. 2010., usvojio Prijedlog zakona o izmjenama i dopunama Zakona o carinskoj tarifi Bosne i Hercegovine u prvom čitanju.

Konstatirano je da su na tekst predloženog zakona blagovremeno dostavili amandmane: Momčilo Novaković – jedan amandman i Jerko Ivanković Lijanović - jedan amandman.

U raspravi su učestvovali: Hajrudin Podbičanin, Momčilo Novaković, Šefika Tutundžić, Šemsudin Mehmedović, Mehmed Suljkanović, Savo Marjanac, Slavko Jovičić i Salko Sokolović.

Komisija se izjasnila o amandmanima na Prijedlog zakona, kako slijedi:

#### **Amandman I. Momčila Novakovića**

**U članu 1. tačka 11. u naslovu TARIFNI ANEKS- TARIFNE KVOTE – žive životinje, meso i jestivi klaonički proizvodi u koloni „Ostali uslovi“ tekst st. 6.,7. i 8. mijenja se i glasi:**

„Vijeće ministara BiH, u zavisnosti od situacije na domaćem tržištu, u konsultacijama sa Vanjskotrgovinskom komorom te privrednim komorama entiteta može predlagati promjene pojedinih navedenih omjera. Saglasnost daje Parlamentarna skupština BiH.

Vijeće ministara BiH može, uz saglasnost Parlamentarne skupštine BiH, maksimalno dva puta godišnje ponoviti utvrđene kote za pojedine tarifne oznake, a na osnovu dokaza o opravdanosti te odluke za privredu BiH.

Roba koja se stavlja u slobodni promet, uz korištenje uvoznih tarifnih kvota, podliježe carinskom nadzoru krajnje upotrebe. Između uvoznika i prerađivača ne može biti posrednika“.

U raspravi su učestvovali: Šemsudin Mehmedović, Slavko Jovičić, Mehmed Suljkanović, Momčilo Novaković, Salko Sokolović i Savo Marjanac.

Nakon rasprave, Komisija **je jednoglasno usvojila amandman.**

**Amandman I.** Jerka Ivankovića Lijanovića

U članu 1. u tački 11. U naslovu **TARIFNI ANEKS- TARIFNE KVOTE** – žive životinje meso i jestivi klaonički proizvodi ispod tabele dodaju se riječi:

„**i izmjene**“: zamjenjuje se tarifni broj „0203 22 19 00“ tarifnim brojem „0203 25 55“ i naziv : „**Svinjsko meso svježe, rashlađeno ili smrznuto, plečke i komadi od njih**“ nazivom: „**Meso domaćih svinja bez kostiju zamrznuto**“.

Predlagač Zakona konstatirao je da se predloženi amandman ne odnosi na intervenciju u tekstu izmjena i dopuna Zakona; da u carinskoj tarifi BiH ne postoji tarifna oznaka „0203 25 55“ i da navedeni amandman ne može biti predmet rasprave. Predloženo je da se amandman Jerka Ivankovića Lijanovića odbije.

Na osnovu utvrđenog, Komisija je jednoglasno odlučila da nema osnova da se raspravlja o amandmanu Jerka Ivankovića Lijanovića.

Zaključeno je da je potrebno izvršiti nomotehničku obradu teksta Zakona i ispoštovati Jedinstvena pravila za izradu pravnih propisa u institucijama BiH.

Komisija **je jednoglasno prihvatila Prijedlog zakona sa usvojenim amandmanom**, te će predložiti Predstavničkom domu da usvoji Zakon o izmjenama i dopunama Zakona o carinskoj tarifi Bosne i Hercegovine.

**Ad. 3. Razmatranje Prijedloga zakona o zaštiti novih sorti bilja u Bosni i Hercegovini, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu**

Predsjedavajući Slavko Jovičić je u uvodnim napomenama istakao da je Vijeće ministara BiH, 1.12. 2009., uputilo Parlamentarnoj skupštini BiH Prijedlog zakona o zaštiti novih sorti bilja u Bosni i Hercegovini za razmatranje po osnovnom zakonodavnom postupku.

Predstavnički dom je na nastavku 69. sjednice, održanom 12. 1. 2010., usvojio Prijedlog zakona o zaštiti novih sorti bilja u Bosne i Hercegovine u prvom čitanju.

Konstatirano je da na tekst predloženog zakona nije bilo uloženi amandmana.

U ime predlagača, u raspravi je učestvovala Snežana Akulović. Istakla je da predlagač ostaje pri Prijedlogu zakona bez bilo kakvih izmjena.

Nakon rasprave, Komisija **je jednoglasno prihvatila Prijedlog zakona**, te će predložiti Predstavničkom domu da usvoji Zakon o zaštiti novih sorti bilja u Bosni i Hercegovini.

**Ad. 4. Razmatranje Prijedloga zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu**

Predsjedavajući Slavko Jovičić je u uvodnim napomenama istakao da je Vijeće ministara BiH, 9. 12. 2009., uputilo Parlamentarnoj skupštini BiH Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini sa zahtjevom za razmatranje po osnovnom zakonodavnom postupku.

Predstavnički dom je na nastavku 69. sjednice, održanom 12. 1. 2010., usvojio Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini u prvom čitanju.

Komisija je konstatirala da su amandmane na predloženi tekst Zakona blagovremeno dostavili poslanici: Šemsudin Mehmedović – dva amandmana i Bajazit Jašarević – jedan amandman.

U raspravi su učestvovali: Dragiša Mekić, Šemsudin Mehmedović, Mehmed Suljkanović i Slavko Jovičić.

Komisija se izjasnila o amandmanima na Prijedlog zakona, kako slijedi:

**Amandman I.** Bajazita Jašarevića

**Član 2. stav (3)** briše se.

S dva glasa „za“, dva glasa „protiv“ i jednim „suzdržanim“ glasom, amandman **nije usvojen.**

**Amandman I.** Šemsudina Mehmedovića

**Član 3. stav (f)** briše se.

S tri glasa „za“ i dva glasa „protiv“, amandman **je usvojen.**

**Amandman II.** Šemsudina Mehmedovića

**Član 4.** briše se a čl. **5.,6. i 7.** postaju čl. **4., 5. i 6.**

S dva glasa „za“, dva glasa „protiv“ i jednim „suzdržanim“ glasom, amandman **nije usvojen.**

Nakon rasprave, Komisija je, s tri glasa „za“ i dva glasa „protiv“, **prihvatila Prijedlog zakona sa usvojenim amandmanom**, te će predložiti Predstavničkom domu da usvoji Zakon o izmjenama i dopunama Zakona o politici direktnih stranih ulaganja u Bosni i Hercegovini.

**Ad. 5. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, na osnovu člana 104.**

## **Poslovnika Predstavničkog doma, radi dostavljanja Mišljenja predsjedavajućem Predstavničkog doma**

Predsjedavajući Komisije je u uvodnim napomenama istakao da je Vijeće ministara BiH, 6.1.2010., utvrdilo Prijedlog zakona o izmjeni i dopunama Zakona o carinskoj politici Bosne i Hercegovine i uputilo ga Parlamentarnoj skupštini BiH, uz prijedlog da se razmatra po osnovnom zakonodavnom postupku.

U ime predlagača Zakona, uvodne napomene da je Hajrudin Podbičanin.

U raspravi su učestvovali Hajrudin Podbičanin i Slavko Jovičić.

Nakon rasprave, Komisija je **jednoglasno podržala** principe predloženog zakona.

U skladu s članom 104. Poslovnika Predstavničkog doma, Komisija će dostaviti mišljenje predsjedavajućem Predstavničkog doma.

### **Ad. 6. Izvještaj o radu Komisije za 2009. godinu**

Komisija je **jednoglasno usvojila** Izvještaj o radu za 2009. godinu, uz obavezu da sastavni dio Izvještaja bude pojedinačni pregled prisustva članova sjednicama Komisije.

### **Ad.7. Upoznavanje s Prijedlogom mjera za poboljšanje uslova poslovanja u poljoprivrednoj proizvodnji i prehrambenoj industriji, predlagač: Vijeće ministara BiH – realizacija zaključka 61. sjednice Predstavničkog doma i 37. sjednice Doma naroda, radi dostavljanja Mišljenja predsjedavajućem Predstavničkog doma**

Predsjedavajući Komisije je u uvodnim napomenama istakao da je „Izvještaj iz oblasti poljoprivrede za Bosnu i Hercegovinu za 2008.godinu“ Parlamentarnoj skupštini BiH dostavljen na usvajanje 27.7.2009., te da je s mišljenjem Komisije za vanjsku trgovinu i carine razmatran i usvojen na 61. sjednici Predstavničkog doma, održanoj 30.9.2009., i 37. sjednici Doma naroda, održanoj 19.10.2009., sa Zaključkom koji glasi: „Zadužuje se Vijeće ministara BiH da u roku od 60 dana izradi mjere za poboljšanje stanja u poljoprivredi, a posebno mjere koje će povećati pokrivenost uvoza izvozom poljoprivrednih proizvoda“.

Vijeće ministara BiH je, realizirajući zaključke oba doma PSBiH, na 109. sjednici, održanoj 22.12.2009., na prijedlog Ministarstva vanjske trgovine i ekonomskih odnosa BiH, razmatralo i prihvatilo Prijedlog mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine i navedeni prijedlog mjera dostavio 8.1.2010. Parlamentarnoj skupštini BiH na upoznavanje i dalje postupanje.

U ime predlagača mjera, Seid Uzunović istakao je da su u izradi Prijedloga mjera ispoštovani: zaključci usvojeni na sjednicama oba doma PSBiH; zaključci iz Analize o stanju u poljoprivrednoj proizvodnji i zaključci javne rasprave održane u oktobru 2009. godine. Napomenuo je da su u izradi mjera učestvovali predstavnici udruženja poljoprivrednih proizvođača koji su bili članovi Komisije za predlaganje mjera za poboljšanje poljoprivredne proizvodnje u BiH.

Podršku predloženim mjerama dali su i predstavnici Vanjskotrgovinske komore BiH koji su učestvovali u izradi mjera.

Komisija je, s ciljem praćenja primjene mjera i njihovih efekata, **jednoglasno usvojila** sljedeći **z a k l j u č a k**:

- obavezuje se Ministarstvo vanjske trgovine i ekonomskih odnosa BiH da dva puta godišnje dostavlja Parlamentarnoj skupštini BiH informaciju o odnosima bilansa potreba i stanja koja uključuje i vanjskotrgovinske bilanse za proizvode iz tač. 1. i 2. Prijedloga mjera za poboljšanje uslova poslovanja u poljoprivrednoj i prehrambenoj industriji u Bosni i Hercegovini.

Komisija će dostaviti mišljenje Predstavničkom domu i predložiti **da usvoji Prijedlog mjera za poboljšanje uslova poslovanja u poljoprivrednoj proizvodnji i prehrambenoj industriji u Bosni i Hercegovini sa zaključkom Komisije.**

**Ad. 8. Upoznavanje s dopisom Proširenog kolegija Predstavničkog doma, od 20.01.2010., radi davanja prijedloga i mišljenja Komisije za izradu Orijentacionog radnog plana Predstavničkog doma za 2010. godinu**

Predsjedavajući Komisije upoznao je prisutne s dopisom Proširenog kolegija Predstavničkog doma, od 20.1.2010., kojim se traži davanje prijedloga i mišljenja Komisije za izradu Orijentacionog radnog plana Predstavničkog doma za 2010. godinu.

Komisija je saglasna s tim da se Prijedlozi i mišljenja za izradu Orijentacionog radnog plana Predstavničkog doma za 2010. godinu koji je uradila stručna služba Komisije dostavi Proširenom kolegiju Predstavničkog doma.

Zaključeno je da će Komisija nakon dobivanja utvrđenog Programa rada Vijeća ministara BiH za 2010. godinu sačiniti Orijentacioni radni plan Komisije za vanjsku trgovinu i carine za 2010. godinu.

Sjednica je završena u 14 sati.

Sekretar Komisije  
**Emira Češljarić**

Predsjedavajući Komisije  
**Slavko Jovičić**